

## 2 Yóni

Ísu kwíyómpa'a irówana Yóni Ísuna kwayó-kwáásí kaumbo-kwáái aiyayaan-iyá'iyó. miráumai-ima maisuwéna maanáimbá agaimái tímakaiye. évakarawai sésa aaraiyáwái-áúwái agaimái ámakaiye sewasá évakarawai sésa Ísóigona kwaási mimbórává'á torupamáí kwémae'maeropa'a agaimái tímakaiye kwésewe.

<sup>1</sup> kemá Ísóigona kwaásira'a kárákwiraundawai é'a maanáúwái agaimái tímúne. embá kendéí-í'a úne séna Áánútu ááyaráin-ininkoma ómpo ená iyámpóiyonte awánaaro sé'a maanáúwái agaimái tímúne. Ísóigona áráir-aimba ísaraundayave'a sirumbá kwétimune. íma kewé su'mainivo Ísóigona áráir-aimba ísáawáigwara'a tirumbá kwétimewe.

<sup>2</sup> kentáávímbá áráir-aimba kwaíkwai'a éna íma ánásanintaveta kentáásirumba kwétimune.

<sup>3</sup> Áánútu kentáásivowe ááninko Ísu Káraísitiye úwoi kwésuwa'naa-esarai tirumbá kwéumasinkesarai paru kwéumasinkaayata póta áráir-ainta séta kentáásirumba tímúndayave'a Áánútumpa'a námúnaa kwésune.

<sup>4</sup> évaka'a ená iyámpói kentáásivo simásímakaintemba miráumai áráir-ampa'a kwégon-aimba isáúnana sirunkó kawé'á kwéiye.

<sup>5</sup> aaraigoó embá simáme'a sé'a Ísóigona kwaási moórá-morawáivimba kentirumbá kwétime'a máéro. mináimbá íma aúná-amaamba

kwésimatimumpo aivakwárá minkákwárá ívékwara'a ísaraan-aimba kwésimatimune.

<sup>6</sup> Áánútun-aaiyaamo taagwiyavúndaya mindá Áánútumba sirumbá amúndayaveta kwenáái kwétaagwiyavune. Áánútunkwara kwaásigwara'a tirumbá timé'a máéro Áánútu siráimba aivakwárá minkákwárá ívékwara'a kwéisaawe.

<sup>7</sup> sáwíva-kwaasi kampa'á kwésen-kwaasi marapá'á kwénaaowe. miwí Ísu Káráisitintavesa sésa íma kwaásiraani'a umái kunkáiyé kwésewe. miwí Káráisitina namuro-kwáásí pósa sáwí-ampa'a kwígwáe sésa minkámpár-áimbá kwésevo kárákwiyoro.

<sup>8</sup> Áánútuna mayáímó kwémayaam-beyamba íma máyáavainivo kawé'á umái kárákwiyé'a amápa'-meyamba kawé'-mékámbá mayánááontave'a kárákwiyoro.

<sup>9</sup> Ísu Káráisitín-aai íma tátoraamba mináímbá tuwésa ó'on-ampa'a kwégowai íma Áánútuwe tarúmai máyáawe. Ísu Káráisitín-aai tátokaawai kentáásivowe ááninkowe tarúmai máyáawe.

<sup>10</sup> miráumai kentópa'o tésamo mináímbó ímo simátimesamo ó'on-aimbo simátimiya'o é'a íma tiyáamba timé'a íma kentí naaúmpa'a mósá tínkáaro.

<sup>11</sup> mirán-kwáásí tiyáámbo timé'o é'a minkwáásítí sáwí-mayai túwa'naa ónááowe.

<sup>12</sup> ayáátáár-aimba simátimenae'a maanáúváiímbá íma agayáúmpo kentópa'a kwé'a kentúranka'a komé'a kosimátiménana ketáásirunkoya ávááraumai kawé'á íníye.

13 enanaanontávéna kendéí-í'a úne séna  
Áánútu ááyarain-ininkowe kwená iyámpóiyonte  
keinárawatavesa sésa kawé'á umái máéro  
kwésewe.

*kemá Yóni kesáái ánásaiye.*

**aúná-aimba simái tarúmakain-kwasai**  
**The New Testament in the Kosena Language of Papua**  
**New Guinea**  
**Nupela Testamen long tokples Kosena long Niugini**

copyright © 1980 Wycliffe Bible Translators, Inc.

Language: Kosena

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-26

---

PDF generated using Haiola and XeLaTeX on 18 Apr 2025 from source files dated 31 Aug 2023

363afe94-0b4c-5e94-bf3b-b68ce841dec7